

He Tūāoma

E whitu kē ngā upane hei whakatinana i te mahere rautaki nei, ā, mā ngā upane tuatahi e whakatakoto te kaupapa mō ngā upane o muri. Ehara i te mea āta rārangi ngā upane nei, tērā anō ngā pānga o ētahi ki ētahi. Ka riro mā tēnei momo whakahaere e whakatau te tanuku i waenga i te whakakaha ake i te whai wāhi mai a ngā kōhungahunga me te whakapiki ake i te kounga o ngā ratonga. Hei konei anō hoki e ū ai, tērā kua takoto pai ngā pūtake e hiahiaitia ana e āta ekea ai ngā taumata.

Ko te Arotake Ekenaga Taumata

Mā te rangahau tau maha e arotake te whakatinanatanga o ngā whāinga e toru i te roanga atu o ngā mahi nei. Mā konei, ka taea anō te mahere nei te whakatikatika, te whakapiki anō hoki i tōna tekau tau, arā, mā te whāngai i ngā putanga rangahau ki roto i ngā mahi whakahiato, whakatinana hoki e haere tonu nei.

I te whakatinanatanga i ngā rautaki mō tēnei whāinga, ka whakapikihia te nui o ngā kaiako kōhungahunga e whai tohu ana, ā, ka whakapaitia anō hoki te hau o ngā kaiako ki ngā tamariki me te rahi o ngā rōpū akoranga. Ka rangahaua huarahi hei tautoko i ngā ratonga whakaakoranga kōhungahunga e arahina ana e ngā mātua me ngā whānau, ā, tērā anō ētahi mahi ka āta mahia hei hāpai i te whakatinana i *Te Whāriki* me ngā mounga ritenga o te ako.

Ko ngā rautaki hei hāpai ake i ngā mahinga ngātahitanga, he mea āta whakarite kia:

- whakatutuki i te akoranga me te whanaketanga mō ngā tamariki mai i te whānautanga ki te waru tau i heke iho mai i ngā hono pakari i waenga i ngā ratonga whakaakoranga kōhungahunga, ngā ratonga tautoko ki ngā mātua me ā rātou whanaketanga, ngā kura, me ngā ratonga hauora, toko i te ora hoki.

I te whakatinanatanga o ngā rautaki mō tēnei whāinga, ka whakawhiwhia ētahi ratonga tautoko mātauranga e āta kōtuitui ana ki ngā kōhungahunga, ki ngā mātua, ki ngā whānau, me ētahi huarahi anō hoki e hua mai he hapori ako.

He Rautaki Tautoko

Ka tautokona te whakatinanatanga o te mahere rautaki nei e ētahi rautaki whānui e whā:

- ko te arotake i ngā whakaritenga e hāngai ana ki te whakaakoranga kōhungahunga. Ka kōkirihia tēnei i waenga i Pipiri 2002 me Hakihea 2003
- ko te arotake i te pūnaha tohatoha pūtea ki te whakaakoranga kōhungahunga. Ka kōkirihia tēnei i waenga i Haratua 2002 me Hōngongoi 2003
- ko te whakahaere rangahau hei tautoko i ngā mahi whakahiato kaupapahere mō te whakaakoranga kōhungahunga, hei arotake anō hoki i te pēhea o te ahunga whakamua o ngā mahi nei, ā,
- ko te whai wāhi mai a te rāngai ki ngā mahi whakatakoto, whakatinana kaupapahere.



Ngā Huarahi Arataki: Pathways to the Future

2002

2012

HE MAHERE RAUTAKI TEKAU TAU MŌ TE WHAKAAKORANGA KŌHUNGAHUNGA

Summary-Māori



He ara ki te whai wāhi mai, ki te whai kounga, ki te whakawhanaungatanga



He Whakarāpopototanga

He tino tapuwae matua te whakaakoranga kōhungahunga e takoto ai he kaupapa mō te ako me te whanake a te tamaiti. E waimarie ana a Aotearoa nei i te tū kaha o te rāngai whakaakoranga kōhungahunga. Heoi, tērā anō ētahi huarahi e taea ana tēnei kaha te whakapiki. E tutuki ai te tūmanako o te Kāwanatanga kia whakapikitia ngā hua mātauranga e whakawhiwhia ana ki ngā tamariki katoa o Aotearoa nei, he tino mea nui tonu kia kotahi te whakakitenga a te hunga e mahi ana i te rāngai whakaakoranga kōhungahunga i tēnei tūmanako. Ka riro mā te Mahere Rautaki mō te Whakaakoranga Kōhungahunga nei hei waihanga i taua whakakitenga, hei whakatakoto anō hoki i tētahi mahere mahi mō te tekau tau kei te tū mai.

Ko te Whakatakoto i te Aronga

Ko te mahere nei e whakatakoto ana i te tūmanako ngātahi a te rāngai me te Kāwanatanga ko te hua o te whiriwhiringa kōrero i waenga i ngā rōpū maha o te wāhanga whakaakoranga kōhungahunga. E toru ngā whāinga matua i te mahere nei:

- kia whakarahi ake i te whai wāhi mai a ngā tamariki ki roto o ngā mounga ratonga whakaakoranga kōhungahunga
- kia whakakaha ake i te kounga o ngā ratonga whakaakoranga kōhungahunga, ā,
- kia whakapakari i ngā hononga me ngā mahinga ngātahitanga.

Tērā anō ētahi rautaki motuhake i te mahere nei e hangā ai he wāhanga whakaakoranga kōhungahunga e aro pai ana ki ngā hiahia o te iwi Māori me ngā iwi o Te Moana-nui-a-Kiwa.

He Aronga Hou

Tērā anō ētahi whakarerekētanga nui me oti e tutuki ai ēnei whāinga e toru i te mahere. Ko ētahi o ngā tino aronga hou, koia ēnei:

- te whakahou i ngā pūnaha pūtea, pūnaha whakaritenga hoki e tautokona ai ngā tūmomo ratonga whakaakoranga kōhungahunga kia puta ai te kounga
- te whakapai ake i te tautoko i ngā ratonga whakaakoranga kōhungahunga ā-hapori
- te whakauru i ngā whakaritenga rēhita ā-ngaio, he mea pā ki ngā kaiako i ngā kura, i ētahi ratonga whakaakoranga kōhungahunga e arahina ana e te kaiako, pēnā i ngā whakaritenga e pā kē ana ki ngā kaiako i ngā kura me ngā rōpū *kindergarten*
- te whakakaha ake i te mahi ngātahi i waenga i ngā ratonga whakaakoranga kōhungahunga, ngā rōpū tautoko, whakawhanake mātua, ngā ratonga ā-mātauranga, ā-oranga, ā-hapori hoki kia whai mana ai ngā mātua me ngā whānau i roto i ngā akoranga kōhungahunga o ā rātou tamariki, ā,
- te nui ake o te whai wāhi mai a te Kāwanatanga ki te kaupapa whakaakoranga kōhungahunga, he hāngai tonu ki ngā hapori kāore i te kaha te uru mai ki roto ki ngā ratonga whakaakoranga kōhungahunga.

Ko ngā Rautaki

Whakatakotohia ana i te mahere nei he tukutuku mō ētahi rautaki kōtuitui kia aro tahi ngā mahi a te katoa e whai wāhi ana ki te rāngai nei ki ngā whāinga.

Ko ngā rautaki hei *whakarahi ake i te whai wāhi mai a ngā tamariki* ki roto i ngā mounga ratonga whakaakoranga kōhungahunga, he mea āta whakarite kia:

- hāngai tonu ki ngā hapori kāore i te kaha te whai wāhi mai, arā tonu, ngā hapori Māori, ngā iwi o Te Moana-nui-a-Kiwa, ngā hapori pōhara, taiwhenua hoki
- herea ki ngā hiahia o aua hapori nei
- whakawhānui ake i te wāhi a te Kāwanatanga ki te whakangāwari i te whai wāhi ki ngā mounga ratonga whakaakoranga kōhungahunga, ā,
- tautoko i ngā ratonga whakaakoranga kōhungahunga kia kaha ake ā rātou manaaki i ngā hiahia o ngā tamariki, mātua, whānau hoki.

I te whakatinanatanga i ngā rautaki mō tēnei whāinga, ka tohua ngā taiapa e aukati ana i te whai wāhi mai a te kōhungahunga ki ngā ratonga nei, ā, ka whakatairangitia hoki ngā hua o taua whai wāhi ki ngā mātua me ngā whānau. Ka nui kē atu te āwhina me te pūtea ka wātea hei whakatū, hei whakahaere i ngā ratonga whai kounga.

Ko ngā rautaki hei *whakapiki ake i te kounga o ngā ratonga whakaakoranga kōhungahunga*, he mea āta whakarite kia:

- whakatinana i te marautanga (*Te Whāriki*)
- whakaū, tērā ka pai ngā kaiako, ka tōtika anō hoki te hau o ngā kaiako ki ngā tamariki me te rahi o ngā rōpū akoranga
- whiwhi mounga pāhekoheko i waenga i ngā kaiako, mātua, whānau me ngā tamariki, ā,
- whakatakoto, kia whakaata anō hoki i ngā mounga ritenga o te ako.